



SUD BiH Preokret na suđenju vođi kriminalne organizacije Aliju Lokaju



Agim Eljšani, Vidak Milić, Hakija Mehović, Nijazi Muharemi i Nermin Planinčić sporazumno priznali krivice ● Uhapšeni u akciji SIPA-e kodnog naziva "Oskar"

Ali Lokaj (58) iz Kosova, međunarodni diler heroina i skanka, prekjučer je na glavnom pretresu u Sudu Bosne i Hercegovine iznenada priznao krivicu. Istog dana završen je dokazni postupak i iznesene su završne riječi Tužilaštva BiH i odbrane.

Raniji sporazumi

Izricanje presude zakazano je za 1. decembar. On je označen kao vođa narkogrupe, koja se tereti za organizirani kriminal u vezi s neovlaštenim prometom droga.

Ostali članovi ove organizacije ranije su sporazumno priznali krivicu za



Zaplijenjena droga tokom akcije "Oskar"

dilanje droge. Tako su Agim Eljšani, Vidak Milić i

Vahidin Dobrača kažnjeni sa po godinom zatvora, dok je Hakija Mehović osuđen na kaznu zatvora u trajanju od dvije godine i pet mjeseci. Nijazi Muharemi i Nermin Planinčić osuđeni su na po godinu i šest mjeseci zatvora. Ova dilerska grupa pala je u akciji Državne agencije za istrage i zaštitu (SIPA) kodnog naziva "Oskar". Prema navodima iz optužnice, koju je zastupala tužiteljica Diana Kajmaković, oni su u per-

iodu od jula do polovine decembra prošle godine vršili neovlaštenu međunarodnu kupoprodaju, prijenos, prijevoz, držanje, posredovanje u daljnjoj međunarodnoj prodaji, slanju i isporuci heroina i skanka sa područja Republike Makedonije, Republike Srbije i Kosova na područje BiH, kao i sa područja BiH u Republiku Srbiju.

Šifrovani termini

U BiH su heroin miješali s odgovarajućim supstancama radi uvećavanja mase te su nakon toga prodavali drogu na teritoriji BiH i Srbije. Najčešće su koristili šifrovane termine, koji su označavali vrstu, količinu i cijenu droge, kao i mjesto i vrijeme susreta radi preuzimanja i isplate cijene za kupljenu heroinu i kokain.

U više navrata prokrijumčarili su skoro 2,5 kilograma heroina, 1,5 kilograma skanka te 400 grama smjese za miješanje s drogom radi povećavanja njene mase. **DŽ. BULBUL**

Dodavali 'paracetamol' i 'kofein' da dobiju na masi

Pretresima u akciji "Oskar" pronađeno je i privremeno oduzeto skoro 969 grama heroina. Privremeno je oduzeta i određena količina supstanci za miješanje s heroinom radi uvećavanja

njegove mase, za koje je vještačenjem utvrđeno da se radi o "paracetamolu" i "kofeinu". Privremeno je oduzet i pribor za pripremu i miješanje s drogom, na kojem su, također, pronađeni tragovi materija.